



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XV. De generali colloquio Principum Ratisponæ habito & de reditu pij
Ottonis ad sedem suam.

urn:nbn:de:hbz:466:1-41527

peris, quam se esse, testatus est, dirigat, ut, sine quo nihil possumus, per ipsum implere omnia valeamus.

Igitur electus Dei Pontifex consecratione solenni ab Apostolico prouectus, aliquantisper ab eo humanitatis gratia est detentus; sicque optata potitus emissionem, prospero itineris decursu, transiens Alpibus, Carinthiam venit.

S. Otho venit in Carinthiam.

De generali colloquio Principum Ratisbonæ habito, & de reditu p̄j Ottonis ad sedem suam.

CAPVT XV.

Ebb.

MCIV.

S. Otho venit ad Comitiam Ratisbonensiam.



Osthec Imperator Henricus vniuersis regni Principibus Curiale colloquium Ratisbonæ indixit, ad quod nouus Antistes pius Otto occurrens, debiti honoris reuerentiã susceptus est, cunctosq; Optimates presentes elegantiam morum & sapientiæ gravitate ac paternæ dulcedinis affabilitate miro sibi deuinxit amore: ita ut felicem vnanimiter proelamarent Ecclesiam, quæ tali diuinitus donata esset sacerdote: sicque regia cumulatus munificentia, post arduæ peregrinationis angariam, Pastor pius ouium suarum curam suscepturus Bambergam ingreditur, ibique à Clero & populo immenso iubilationis tripudio, ac si angelus è cælo missus exciperetur. Qui tali potitus honore in hoc omne studium suæ deuotionis impendit, ut & splendore virtutum radiaret in moribus, & glorificantem se Dominum suis glorificaret operibus. In cunctis enim affectabat honorem Christi, salutem populi, contemptum sui: sciens sibi in his omnibus, non sua, sed Domini esse luera quaerenda.

Inde Bambergam.

Studia S. Othonis.

Nitebatur itaque in domo Domini oliua esse fructifera, studuitque in populis verbi erogare talentum, pro quo se sciebat quandoque super omnia Domini bona constituendum.

Quapro-

Quapropter de commissa sibi cura sollicitus, Ecclesiasticæ utilitati diebus inuigilabat ac noctibus, dans operam quomodo bona Ecclesiæ suæ vel augetet inuenta, vel restauraret amissa, *Vigilantia eius pro suo grege.* Cum itaque ad dilatandam Christi gloriam tota eius flagraret intentio, quædam cœnobia à fundamentis construxit, quædam verò prius tenuiter inchoata, sed per eum Ecclesiæ Babebergeni digno precio acquisita, largo sumptu perfecit.

De primitiis operum eius in Episcopio Herbipolensi & Babebergeni.

CAPVT XVI.

Primitiæ quidem Operum eius, duorum fuit structura Cœnobiorum in Episcopio Herbipolensi quorum alterum *Vraugia* dicitur, sub patrocinio beati Laurentij: alterum verò *Vra*, in honorem Beati Petri Apostoli. His autem honesta & eleganti fabrica compositis, sicut omnibus Cœnobiis suis faciebat, prædia emere, sylvas & agros, & prata comparare, vel aliis iustis modis acquirere satagebat. Ipsa verò nominare & enumerare vniuersa, ne longus aut fastidiosus fiam, omitto.

Deinde in Babebergeni Episcopio tertia & quarta ædificatio duorum Cœnobiorum fuit; quorum vnum Michelvelt dicitur in honorem S. Ioannis Euangelistæ: alterum, Lankheim in honore Beatissimæ Virginis *MARIÆ* de Ordine Cisterciensi. Nam illa tria de ordine fecit Cluniacensi: sed Michelvelt & *Vraugia* in patrimoniali fundo Ecclesiæ:

Lankheim verò & *Vra* in aduentitio locata sunt.

